



عزیز اولکه‌میز ده اوْتگن اوچ دهه مایینیده اوزبیک تیلى و ادبیاتى و مطبوعاتى باشقە، درى و پشتو تیل‌لردىك تورلى باسقىچلرنى باش‌دن كېچىرىپ كېلدى. اوشبو باسقىچلر گاھىدە يوقارى درجه‌دە و گاھىدە قويى درجه اولکه‌میز چېڭل و بحرانى حالتلریدە اوز حرکتىگە دوام اپتىرىپ كىلدى. اوشبو ادبى آقىملر يلغوز اولکه بايتختى كابل شهرى و تورلى ولايتلرده ايمىس، بلکه اولکه‌دن تىشىرىدە هم دوام تابىپ اوزبىك ضيالىلرى مجموعدە اوشبو ملت‌نىنگ تىقلى يازوچى و شاعرلرى و قلمكشلرى اوزبىك و درى تیل‌لریدە و تورلى بؤلۈم‌لریدە اوْزلریدن اثرلر يرهتىپ كېلدى. اوزبىك يازوچىلرى و شاعرلرى اوز اثرلرینى تورلى ڇانزلر و شكل‌لرده اىجاد اپتىپ، روزنامه‌لر، جريده‌لر، مجله‌لر و تورلى رسانه‌لر آرقەلى چاپ اپتىپ كېلدىلر. بو يرهتىلگن و اىجاد بولگان كتابلار كۇپراق شعر بؤلۈمىنى اوز اىچىگە آلدى.

دېمَك يازوچىلر يرمىزىنىڭ بدیعى، تحقیقى، طنز، فولكلورى و بالەلر اوچون يرهتىلگن اثرلرى هم آز ايمىس. بيراق كۇپراق شعرى تۈپلەر كلاسيك و معاصر شاعرلر يرمىزىن باسىلىپ چىقدى. بو ادبى و فرهنگى فعالىتلر يلغوزگىنە شعرى و نثرى اثرلر چاپ بۇلىشىگە تەقىلىپ قالمەى، بلکه اولکه مطبوعاتى ده اوزبىك تیلى ده تورلى مجله و روزنامه‌لر و جريده‌لر تورلى سايىزلرده چاپ‌دن باسىلىپ چىقدى. اوندن تىشىرى راديو و تلوiziyon يوللارiden جمله‌دن افغانستان راديو- تلوiziyonى، بلخ ولايتى محلى تلوiziyonى و راديوسى، فارياپ و جوزجان و ايريم شمالى ولايتلرلىنىڭ محلى تلوiziyonلرى و رادiolرى آرقەلى اوزبىك تیلى ده آز هم بولسە، اوز نشراتلارىنى اپتىپ كېلدى. دېمَك اوشبو فعالىت‌دن اولکه‌دن تىشىرى ده گى اولکه‌داشلار يرمىز هم چېتىدە قالمەى هر قەيسى لرى اروپا، امرىكا و آسيا قاره‌لریدە گى ايريم اوولکه‌لریدە اندە- سندە مجله و جريده‌لر و تورلى نشرىيەلر ترقەتىش بىلن اوز حصەلرینى قوشىپ كېلدىلر.

بولردن تشرى اوшибو باي تيلده كوب كتابلر تورلى موضوعلر توغرىسىدە اوزبىك قلمكىشلرى و بىليم اربابلرى تمانىدىن اولكە ايچكىرى و تشرىسىدە چاپدىن چىقىدى. كېلىنگ شو حقدە بىر آز تۆختەلەپ اوتهپيليك:

اوْتَگَن اوج دهه ده اولکه میز مطبوعاتی آسمانی ده بیرینچی پارله گن يارقين يولدوز، «يولدوز» جريده‌سى ابدى. يولدوز بيلن بيرگه افغانستان راديو و تلویزیونی آرقه‌لى باشقه تيل لر يابياشى ده اوزبىك تىلى‌گه هم وقت اجره تىلدى. دېمک يولدوز جريده‌سى بيرينچى بولىپ تورت بىت ده حرمتلى محمد امين «اچقون» مدیرلىگى آستىدە ترقه‌له باشله دى. اوшибو جريده بيرينچى و تورتىنچى بېتلرىدە باشقە مقالە، خبرلر و سیاسى تبصرەلر و ايڭىنچى و اچجىنچى بېتلرىدە اپسە ادبى، معلوماتى، فولكلورى، تارىخى، اقتصادى و شونگە اوخشەش مطلبلر چيقە باشله دى. يولدوز جريده‌سى ۱۳۵۷ نچى بيل سرطان آيى دن، ۱۳۶۲ نچى بيل دلو آيى گەچە كابل شهرى ده اوْز فعالىتى گە دوام بېرىپ، كىين دلو آيى دن باشله يولدوز جريده‌سى مزارشريف شهرى و تركمنى تىل ده نشر بولھياتىگن گوراش جريده‌سى جوزجان ولايتى مركزى- شيرغان شهرى ده ترقه‌له باشله دى. يولدوز جريده‌سى مزارشريف گە بارگچ شمال ولايتلىرى خلق‌لرى، اينىقسە اوزبىكلر تمانيدن جان و دل بيلن كوتىپ آلنىدى. اوزبىك يازوچى و شاعرلرى هر ولايت دن يولدوز جريده‌سى گە اوْز ياردىملىرىنى دوام ابتنىرېپ كېلدىلر. نتيجه ده يولدوز جريده‌سى نىنگ بىرازى ۱۳۶۵ نچى بيل ده اوْن ايڭى مىنگ گە بىتىپ هفتە ده ايڭى مرته، كىچىك راق سايىز ده ترقه تىلدى.

يولدوز اولکه آسمانى ده ۱۳۷۴ نچى بيل لرگه چه يخشى يرقيره، كينىگى بيل لرده استه- سىكىن مسؤول مقاملى تمانيدن مالى ياردم بولمه گنلىكى و توجه سىزلىكى اساسى ده هر آى دن يا ايڭى آى دن بير قتلە چيقدى و اوندن كينىگى بيل لرده يوقالگن ديك بولىپ قالدى. يولدوز جريدهسى دن تىقىرى اولكە مطبوعاتى ده كيمقىچە باشقە جريده و مجلەلر اولكە مركز و ولايتلىرىدە ترقەلەپ اۋزبېك شاعر و يازچى لرى همە قلمكىش لرى اوшибو نشرىيەلر آرقەلى اوز اىجادى اثرلىرىنى ترقەتىپ كېلدىلر، جملە دن: مزار شريف شهرى ده ملى اسلامى جنبىش نشرىيەسى «نداي اسلام» روزنامەسى، «روزئە اميد» و «جنبىش» جريده لرى، حرمەتلىي محمد عالم «لبىب» مدیرلىكى آستىدە «ياغدو» و «تۆغرى يول» جريده لرى شونىنگ ديك حرمەتلىي اسد الله ولوالجى مدیرلىكى آستىدە «اندىشە» جريدهسى و كابل شهرى ده تاداش نظرى آستىدە «بىلگى» جريدهسى شونىنگ ديك «اولكە»، «وطنداران»، «بىام جمهورىت» جريده لرى،

«اندھوی» مجلهسى، «مليت هاي برادر» مجلهسى ترقەلېب، حاضرچەلىكىدە اوشبو جريدهلدن نېچەتەسى اوز نشراتىگە دوام اپتىريپ كېلماقدە دير.

دېمک «اپزگۇتۇيغۇ» جريدهسى شېرغان شهرىدە و آيدىن فرهنگى انجمىنىنڭ «آيدىن» نامىدەگى مجلهسى كابل شهرىدە و آيدىن فارىاب، آيدىن سرپل، آيدىن بلخ و آيدىن اندھوی جريدهلرى اپسە ناملنگن يېرلەدە نشر بولىپ كېلماقدە.

«فارىاب» و «جۈزجان» روز نامەلرىنىنگ اوتكىن بىلەردىن اۋزىپك تىلى و ادبىاتى اوچون اپتىگن فعالىتلارى مقتاواگە سزاوار و توصىفگە لايق دير. اۋزىپك قلمكىشلرىنىنگ اپتىگن ادبى فعالىتلارى يلغوزگىنە اولكە ايچكىرسىگە تەقىلىپ قالماھى، بلکە اولكەدىن تىشقىدە هم كۈزگە كۈرينلى دير. جملەدىن ملى اسلامى جنبىش نشرىيەسى بولمىش «سوغات» جريدهسى استعدادلى يازوچى برهانالدين نامق مدیرلىگى آستىدە، «چاۋوش» مجلهسى بېرىنچىدە مزارشىريفدە استاد رحيم ابراهيم نظرى آستىدە و كىيىن پاكسitanدە حرمەتلىي محمد عالم كوهكىن مدیرلىگى آستىدە و شونىنگدىك قالىن مجلهسى، هىمدە جرمىنى اولكەسىدە «پىمان» مجلهسى داكتىر «راعى بىلاس» نظرى آستىدە و «جهش» جريدهسى، حرمەتلىي اېرگىش اوچقۇن نظرى آستىدە «چاپ انداز» مجلهسىدىن آت توپىش ممكىن.

شونىنگدىك اوشبو مدت آرەسىدە توركى خلقلىرنىنگ تارىخى، فرهنگى و ادبىاتىگە تېكىشلى كتابلار، شعرى تۈپلىملىر و رسالەلر اۋزىپك قلمكىشلرى تىمانىدەن اۋزىپكى و درى تىلىلىدە تورلى شىوهلەردى چاپ بولگەن. بو يېرده بىز او كتابلەردىن آت توته مىز:

هجرى ١٣٦٩-١٣٥٨ نجى بىلەر آرەسىدە امير علیشىر نوايى فرهنگى انجمىنى، بىلىملىر اكادمىسى، قوملىر و قبىلەلر وزارتى و يازوچىلار اوپوشىمەسى تىمانىدەن و شخصى تىشبىتلار نتىجەسى جملەدىن حرمەتلىي عبدالغفار بىيانى اهتمامى بىلەن حضرت نوايىنىنگ «خمسە»سى خواندىمېرىنىنگ «مكارم الاخلاق» كتابى، حرمەتلىي آيخان بىيانى اهتمامى بىلەن «زندگانى سىياسى امير علیشىر نوايى»، «اۋزىپك شاعىرلىرى» و «اولكم بھارى» كتابلارى، حرمەتلىي كاندىد اكادمىيسىن دكتور محمد يعقوب واحدى جۈزجانى اهتمامى بىلەن بىلىملىر اكادمىسى تىمانىدەن نوايىنىنگ «محاكمة اللغتين» اثرى و نوايىنىنگ «محبوب القلوب» كتابلارى چاپ اپتىلدى.

شو نینگدیک حرمتلی دکتور شفیقہ یارقین و حلیم یارقین تمانیدن اوшибو بیل لر ماینیده و اوندن کینگی بیل لرده چاپ بولگن «تورکی آتلر سوزلیگی»، «سیما امیر علیشیر نوایی»، «بابری خط»، «ظهیر الدین محمد بابر دیوانی»، «نادره و شعر های او»، «مولانا جلال الدین محمد بلخی رباعی لری»، «بابر نامه نینگ اوزبکی و دری متن لری»، «در باره زبان خط و فرهنگ نویسی»، «وکالت دغدغه لری»، «ینگی رئیس هم کبلدی»، «خط و الفبای تورکی- اوزبیکی»، «برگهایی از تاریخ اوزبیکان افغانستان»، «بازی های عامیانه اوزبیکان جوزجان»، ایکی جلدیک «اوزبیک لغتنامه سی»، «بابرگه ارمغان»، «بابر منگولیگی»، «نی تیلماجی کتاب لری»، الحاج استاد قاری محمد عظیم عظیمی سرپلی نینگ «شعرلر دیوانی»، «نصاب الصیان»، «قواعد القرآن»، «با کاروان بیدل» کتاب لری، حرمتلی دکتور عبدالحکیم شرعی جوزجانی نینگ «ینگی زمان ترانه لری»، «بیشه سین پرتیه»، «ابوریحان البیرونی» و «آمو دریا» شعرلر تؤپلمی کتاب لری، استاد محمد امامین متین اندخویی نینگ اوزبیک و دری تیلیده گی «کونگول سوزی»، «باغ لاله پوش»، «دودمان سادات»، «گلشن قدس»، «مرز خورشید»، «کاسه چوبین»، «شمعی بر مزار خاموشان»، «آنانی که در اندخوی زیسته اند»، «اندخوی و جایگاه تاریخی آن و چهره های برازنده اندخوی»، «مروری بر سنگ نبشت ها» کتاب لری و استعدادلی یازوچی حرمتلی عبدالله کارگرنینگ «اندیشمند پیشستار»، «تیموریان هرات»، «ابوریحان البیرونی»، «شهنشاه سخنور»، «امیر داشمند»، «شرح مجموعه گل»، «شهر سلاطین»، «شخصیت فرهنگی ظهیر الدین محمد بابر»، «مهد تیموریان هرات» تحقیقی اثرلری، استاد اشرف عظیمی نینگ «اولوغ ظفر» و «یاش تولقونی» شعری تؤپلمی، عبدالرحیم اوراز و اشرف عظیمی نینگ «باتور باله لر» مشترک شعری تؤپلمی، استاد محمد عالم لبیب نینگ «سوز اینجولری»، «تاریخ مقیم خانی»، «فردالیزم»، «تؤیغولریم- قیغولریم»، اوزبیک تیلی ده مولانا لطفی هروی نینگ حیاتی و ادبی میراثی تحقیقی رساله، رساله پژوهشی در نقد ادبی هنری و ادبی، خوارزمی نینگ «محبت نامه» ناملی اهتمام ابتکن اثرلری، رحمتلی استاد محمد کریم نزیهی جلوه نینگ «جلوه هایی از اشعار جلوه» شعری تؤپلمی، دوکتور عبدالسلام آثم نینگ «ینگی آچیلگن گل لر»، «چقهه گل لر» شعری تؤپلمی، حرمتلی برهان الدین نامق نینگ ایکی جلدیک «تاریخ ادبیات تورکی- اوزبیکی» ترجمه اثری، استعدادلی شاعر مولانا محمد اسحق انور نینگ «چراغ زنده گی» شعری تؤپلمی، سید یعقوب طالع نینگ «سنگر سبسبی» شعری تؤپلمی، فاطمه رسولی نینگ «طنز تؤپلمی»، استعدادلی یاش

شاعر و یازوچی الحاج محمد کاظم امینی‌نینگ اهتمامی بیلن ایجاد بولگن «وطن‌نی اپسلب»، «رنگین کمان» افغانستان‌ده‌گی اوزبیک شاعرلری، «تذکره شعرای جوزجانان»، «حامد فاریابی» کتاب‌لری، و میرزا اولوغ بیگ فرهنگی انجمنی تمانیدن چاپ بولگن «بابا رحیم مشرب»، «خواجه‌نظر هویدا»، کبرا کیوان‌نینگ «آلتين تاج» شعر تؤپلمی و «در انتظار سحر» شعری و نثری اثرلری مولوی جوهري‌نینگ «دیوان ابن یمین» کتابی، حرمتلی عبدالرحمن معلم‌نینگ «بیبيان پاکدامن» اثری، پوهاند مرحوم عبدالحی حبیبی‌نینگ «امیر علیشیر نوایی» ناملی پشتتو تیلی‌ده یازگن تحقیقی اثری، حرمتلی اسدالله ولوالجی‌نینگ «مهر و مصحف»، «سر زمین آبایی‌ام توران» کتاب‌لری، استاد رحیم ابراهیم‌نینگ «چومچوقچه» حکایه‌لر اثری و بو کیشی‌نینگ اهتمامی بیلن چاپ بولگن «خواجه‌نظر هویدا» نینگ دیوانی، استاد نورالله آلتای‌نینگ «اوزبیک لغتنامه‌سی»، استاد عبدالرحیم معصومی‌نینگ «ابسکی تاریخی‌میز» و «کل اوغلان» تحقیقی و حکایه اثری، استاد محمد عمر الیم بیات‌نینگ «جوزجان در صد سال گذشته» تحقیقی اثری، استعدادلی شاعر و یازوچی تاشقین بهایی‌نینگ «پوپی قوش» و «سولاق» اوزگرتیریلگن و شعری تؤپلمی کتاب‌لری، محمد رفیق قادری‌نینگ «شیر و شکر» شعری تؤپلمی، داکتر گل احمد تانیش‌نینگ «یوره ک نغمه‌سی» شعری تؤپلمی، انتظار جوزجانی‌نینگ «گلشن ایچره» ناملی شعری تؤپلمی، فیض الله ایماق‌نینگ «خلق دُرانه‌لری»، صالح محمد حساس‌نینگ «سبز من» و «ضرب المثل‌لر» اثرلری و عارف عثمان بیلن عبدالحمید عاطف‌نینگ «خلق تفکری» کتابی و ابوالاسفار بلخی‌نینگ «دودمان تورک- اوزبیک» کتابی و حرمتلی امین الله دوست‌یارنینگ مالی یاردمی و حرمتلی استاد هدایت الله هدایت کوششی بیلن چاپ بولگن هویدا دیوانی. حقیر‌نینگ «کونگیل نواسی» و «اپزگو نیت» ناملی شعری تؤپلماریم و باله‌لر اوچون «بیلیم و قیزیقیش‌لر» ترجمه قیلگن اثريم و شونینگ‌دیک «بىبى مشکل كشا»، انقلاب ترانه‌لری «ارمغان جنبش»، «شجره تراکمه»، دیوان خان خانان بیره‌م خان، تاریخچه مختصر فریغونیان و شونگه اوخشەش اونلرچه شعری تؤپملر و تحقیقی نثری اثرلر اوْتگن اوچ دھەدە اولکە ایچکری‌سی و تشقى اوکەلرده چاپ بولگن.

ممکن اوшибو مقالەدە ایریم شعری و نثری کتاب‌لر نامی قید اپتیلگن بولمەسە، ولی ياد اپتیلگن اوْتىز يىل آقىمىدە اوزبىك خامەزىنلری تمانیدن تورلى مطبعەلرده اولکەمیز مرکزى بولمیش كابل شهرى، ولايتلری هىمە پاکستان و باشقە تشقى اولکەلرده چاپدىن باسیلیب چىقدى. تۇغرىسىنى يازگىدە

اوшибو دور نیچه قرن مابینیده، عصر حسابلهنه‌دی. یعنی نیچه قرن سکوت‌دن کیم اوزبک تیلی‌ده تورلى بولیم‌لرده اثرلر چاپ بوله‌دی.

اوندن تشرقی اوшибو اوج دهه مابینیده بو کتاب‌لر و اثرلردن تشرقی، تورلى مجله و جريده‌لر همده رساله‌لر چاپ بولیب اولکه بؤییده اوتنگن بیل‌لرده کابل‌ده «امیر علیشیر نوایی» فرهنگی انجمنی، مزارشريف شهرى‌ده «میرزا اولوغ بېگ» فرهنگی انجمنی، شونینگ‌دیك ينه کابل شهرى‌ده «آيدین» و «توران» فرهنگی انجمن‌لری يولى دن تورلى فرهنگی و ادبی ايش‌لر بولیب تورگنی‌گه هممەمیز شاهد میز.

شو كېي ۱۳۶۰ نېچى بیل کابل دانشگاهى، تىل و ادبیات فاكولته‌سى چوکاتى‌ده «اوزبکى» بولیم آچيلیب و اوшибو بولیملر بلخ، فاریاب، جوزجان و تخار ولايت‌لریده هم آچيلیب يوزلرچه محصل‌لرنى تربىيەلب جامعه‌گە تاپشىرگەن. شونینگ‌دیك اوتنگ آلتى بیل آرەسىدە «آئىنە» تلوiziونى‌نىڭ ايش‌گە باشلەگى مقتاواگە سزاوار دير. اوندن تشرقی «آريانا» تلوiziونى‌ده يريم ساعتلىك اوزبىكى برنامەسى هم ترقەلیب كېلماقده دير. اوتنگ اوج دهه مابینیده معارف وزىرىلىگى تمانيدن اوزبىك بالەلری اوچون اوچوو كتاب‌لرى اوزبىك تیلی‌ده چاپ بولیب كېلماقده دير.

يازووجى: غلام سخى وكىلزادە

Presented by:



BAYANI SOCIAL & CULTURAL FOUNDATION  
[www.bayanifoundatuon.com](http://www.bayanifoundatuon.com)